

## II - ARABAKO LURRALDE HISTORIKOAREN TOKI ADMINISTRAZIOA

### ERRIBERABEITIKO UDALA

#### Pozoscuro eremuan Erriberabeitiko arau subsidiarioen egiturazko aldaketa puntuala izapidetzeko prozesuan herritarrek parte hartzeko prozesua

Udalbatzaren osoko bilkurak, 2024ko azaroaren 19an egindako bilkura berezian, erabaki zuen Pozoscuro eremuan Erriberabeitiko arau subsidiarioen egiturazko aldaketa puntuala egiteko izapidea hastea. Aldaketa hori eraikigarritasuna handitzean eta aparkaleku plazen erreserbak aldatzean datza.

Horrez gain, bat etorri ekainaren 30eko 2/2006 Legearen 8. eta 108. artikuluetan eta martxoaren 24ko 46/2020 Dekretuaren 3. artikuluan xedatutakoarekin, herritarrek parte hartzeko Clinker Ingenieros-en programa onetsi zen egiturazko aldaketa puntual horretarako, 2024ko urriaren 28an. Honako parte hartzeko programa hau eta bitarteko hauek ditu:

#### PROPOSATUTAKO BITARTEKOAK

1. Herritarrentzako arreta. Ahalik eta herritar gehienengana iristeko, hiru interakzio modu proposatzen dira idazketa taldearen eta herritarren artean:

- Aldez aurreko kontsulta publikoa, B atalean adierazitakoaren arabera.
- Bilera orokorra, herritar guztientzat, hasierako onespina jasotzen duen dokumentua azaltzeko. Bitarteko egokien bidez egingo da publikitate, eta berariaz gonbidatuko dira udalarekin adostuta egokitzen diren eragileak.
- Banakako arreta jarraitua prozesu osoan, helbide elektronikoko honen bidez: [jorge.roa@clinkeringenieros.com](mailto:jorge.roa@clinkeringenieros.com).

2. Hedabideak. Arau subsidiarioen dokumentazioa zabaltzeko, hau proposatzen da, oro har:

- Prozesu osoan zehar prestatzen den materiala udalaren web orrian argitaratzea, bereziki, hasiera onespina jasotzen duen dokumentazioa. Dokumentazio hori, gainera, udal bulegoetan egongo da eskuragarri, euskarri fisikoan.
- Programa honen arabera egiten diren ekintzak bitarteko tradizioaletan (iragarki taulak edo leku interesgarriak) nahiz udalak erabili ohi dituen bitarteko digitaletan argitaratzea.

3. Aldaketaren materiala.

- Saio orokorrean, irudiak proiektatuko dira eta horiek argiak eta ulerterrazak izan daitezten ahaleginduko da.
- Dibulgazio material egokia prestatuko da, hasierako onespina jasotzen duen dokumentuarekin batera joango dena, errazago uler dadin.
- Eredu estandarizatuak emango dira, bai aldez aurreko kontsultarako, bai alegazioak aurkezteko, parte hartzea sustatzeko eta iritzia eta nahiak argi transmititzen direla bermatzeko.

#### PARTE HARTZEKO PROGRAMA

Hona hemen parte hartzeko programan planteatutako ekintzak eta urratsak:

1. Herritarrek parte hartzeko programari onspina ematea arau subsidiarioen aldaketa puntuala izapidetzea onesteko udal erabakian. Arabako Lurralde Historikoko Aldizkari Ofizialean argitaratuko da, eta informazioaren teknologia berrien bidez zabalduko.

2. Aldez aurreko kontsulta publikoa: hamabost egun naturaleko epea izango da herritarrek parte hartzeko. Epe horretan, iradokizunak edo iritziak aurkeztu ahal izango dira, bai baliabide tradizionalen bidez, bai udalaren web orriaren bidez.

3. Jasotako iradokizun eta iritziei buruzko idazketa taldearen txostena, udalak aztertzeko eta parte hartzaileei erantzuteko.

4. Arau subsidiarioen aldaketa puntualaren hasierako onespena. Jendaurrean jarriko da, ingurumen azterketa estrategikoarekin batera, gutxienez berrogeita bost egun baliodunez, iragarria ALHAOn argitaratzen denetik aurrera. Horrez gain, udalerrian gehien saltzen den egunkarian edo egunkarietan argitaratuko da.

Informazioa emate aldera, egoitza elektronikoan eta egokitut jotzen diren bestelako hedabideetan ere argitaratuko da (46/2020 Dekretuaren 27.1 artikulua).

5. Herritarrentzako azalpen saioa, idazketa taldearen eskutik, udal bulegoetan. Saio horretan aldaketaren irismena eta edukia azalduko dira, bai eta alegazioak nola egin ere. Jendaurrean egoteko epearen erdi aldera egingo da bilkura hori. Saiorako deialdia udalaren iragarki taula ofizialean eta web orrian egingo da.

6. Idazketa taldearen alegazioei buruzko txostena. Udalarekin batera aztertuko dira alegazioak, hark ebatz ditzan eta alegaziorik eza ez bada jakinaraz diezaien.

7. Egindako parte hartze prozesu osoa jasotzea Erriberabeitiko arau subsidiarioen egiturazko aldaketa puntualaren (102/Pozoscuro eremua) dokumentuan, eta behin-behineko onespena jasotzeko aurkeztea.

Programa hori parte hartzeko prozesuaren arabera osatu edo egokitu ahal izango da, betiere legerian ezarritako nahitaezko ekintzak bermatuz.

Argitara ematen da, bat etorritik Lurralde antolamendurako planak eta hirigintza antolamendurako tresnak onesteko prozedurak arautzen dituen martxoaren 24ko 46/2020 Dekretuaren 3.2 artikuluekin.

Ribabellosa, 2024ko abenduaren 2a

*Alkatea*

*AMADO MARTÍNEZ DE ITURRATE CUARTANGO*